

Script of Evening Gojri News Bulletin 19 August 2024 at 1700 Hrs

ایونئنگ گو جری نیوز بلیٹن مورخہ 19 اگست 2024

یوہ آکا شوانی جموں ہے محمد امین انجم تے ظفر اقبال
تیں خبر سُنو۔ پہلاں خاص خاص خبر۔

*1۔ مُلک گا دوجا حصاں غی طرح جموں خطہ پھر مانہہ
وی رکشا بندھن غو تہوار منایوجا رہیو ہے۔
*2۔ پہلا مرحلہ گا چناؤ واسطے پلک نوٹیفکیشن جا ری
وے گی۔ حتمی چناؤ فہرست پلک جا ری ہون غی امید
ہے۔

*3۔ بی جے پی گا چناؤ انچارج نے کہیو ہے جے پا
رٹی جلد ہی امید واراں گا نایاں غو اعلان کرے گی۔

*4۔ اور سماج دشمن عناصر با رے خبردار رہن
واسطے مصنو عی ذہانت گا نظام کم کر رہیا ہیں۔

خبراں غی تفصیل نال پہلاں ظفر اقبال۔

Rakhi Celebration Jammu

مُلک گا دوجا حصاں غی طرح رکشا بندھن غو تہوار
صوبہ جموں مانہہ وی بڑا جوش و جذبہ سنگ منایو گیو۔
قابل ذکر ہے جے رکشا بندھن غو تہوار مُلک گا بڑا
تہواراں مانہہ شمار وے۔ یوہ تہوار پائی بہن غا پیار غی

نشانی ہے۔ اس تہوار ور بہن اپنا پائی غی کلائی ور رکھڑی بدھے۔ ہندو کلینڈر غے مطابق رکشا بندھن غو تہوار ہر سال ساون غا مہینہ مانہہ پورا چن چڑھن آلے تہاڑے منایو جائے۔ اس تہوار با رے بولتاں واں بچاں نے اس طرح کہیو۔ بائٹ۔۔

Rakhi Old Age Home

جموں مانہہ بڑھاپہ خانہ تے بال نکیتن امپہلا مانہہ اج رکشا بندھن منایو گیو۔ اس موقعہ و ر باہر غا لوکاں نے بزرگاں تے بال نکیتن غا بچاں نانہہ رکھڑی بدھیں۔ بڑھاپا خانہ جموں گا سربراہ آئی ڈی سو نی نے دسیو جے بڑھاپا خانہ مانہہ رہ رہیا تمام لوکاں نانہہ یوہ احساس کرایو گیو جے وے یوہ نہ سوچیں جے یوہ احساس نہ کریں جے وے اپنا کہراں تے بچاں توں دور ہیں۔ اس طرح بال نکیتن مانہہ وی رکشا بندھن غو تہوار منایو گیو تے اس طرح 12 گیری بال نکیتن پُجیں تے گیراں نانہہ رکھڑی بدھیں۔ اس ضمن مانہہ اک گیری نیدھی نے کہیو جے واہ ہر بہرے بال نکیتن رکھڑی بدھن آوے۔ اس موقعہ و ر بڑھاپا خابہ جموں غا سربراہ آئی ڈی سو نی، محافظ پریتم چند تے گیری نیدھی نے اس طرح کہیو۔۔ بائٹ۔۔

Rakhi Poonch

ضلع پو نچھ مانہہ رکشا بندھن غو تہوار بہاون مہیلا
سنگٹھن نے بڑا جوش و جذبہ سنگ منایو۔ تہوار نانہہ
جوش و جذبہ سنگ مناتاں واں بہاون مہیلا سنگٹھن غی
کالسریاں نے بھارت پاکستان قبضہ لکیر ور بھارتی فوج
تے بی ایس ایف غا جواناں غی کلایاں ور حفاظتی تاگو
بدھ غے اُن غی لمی عمر تے سلامتی غی دُعا دتی۔ اس
تقریب مانہہ بی ایس ایف تے فوج گا جواناں غی بڑی
تعداد موجو د تھی جہیڑا جے ہر ویلے مُلک تے عوام
غی اپنا کہراں توں دور رہ غے حفاظت کرتا ریں۔ اس
سلسلہ مانہہ مہارا ضلع نمائندہ انوبھو مسری نال گل
کرتاں واں مہیلا سنگٹھن نے اس طرح کہیو۔۔۔ بائٹ۔۔۔

Rakhi Celebration

جس طرح جے حفاظتی دستا اپنا کہراں توں میلاں دور
رہ غے مُلک غی سرحد اں غی راکھی کر رہیا ہیں تے
یوہ مہارو فرض بنے جے ہم اُن توڑی پُجاں کیونجے بہن
اُن غی کلائیاں ور رکھڑی بدھیں۔ اُن جواناں سنگ رکشا
بندھن غو تہوار منانو اک عظیم احساس ہے۔ اس ضمن
مانہہ ضلع راجو ری غا مقامی سکولاں غا طالب علماں
نے اس طرح کہیو۔۔۔ بائٹ۔۔۔

Prez Shanker Dayal

صدر جمہوریہ درویدی مُرمو نے اج سابق صدر ڈاکٹر
شنکر دیال شرما نانہہ اُن غا جنم تہاڑا غا موقع ور پُھلاں

سنگ خراج عقیدت پیش کیو ہے۔ اس موقعہ و ر صدر
تے راشٹریتی بھون غا عہدیداراں نے ڈاکٹر شنکر دیال
شرما غا فوٹو غے اگے پُهل چاڑ غے خراج عقیدت پیش
کیو۔

Ex Army Chief

فوج غا سابق سربراہ جنرل سُندرارجن پدمانہ بہن اج
چنئی مانہ اپنی رہائش گاہ و ر وفات پا گیا۔ وین 83 بہراں
غا تھا۔ فوج گا 20 واں سربراہ تر وندرم کیرلہ مانہ 5
ستمبر 1940 مانہ پیدا ہوا تھا۔ انہاں نانہ ملٹری
اکیڈمی تیں تعلیم حاصل کرن تیں بعد 13 دسمبر 1959
مانہ خدمات واسطے لیو گیو تھو۔

یہ خبر تم آکا شوانی جموں تیں سُن رہیا ہیں خبراں غا
باقی حصہ نال ظفر اقبال۔

Election Notification

جموں کشمیر غی قانون سا ز اسمبلی واسطے عام
چناؤ 2024 غا سلسلہ مانہ نو ٹیفکیشن پلک جا ری وے
گی۔ آکاشوانی جموں غا نمائندہ نے رپورٹ ٹوری ہے
جے 24 اسمبلی حلقاں مانہ پہلا مرحلہ غا چناؤ غے
تحت ووٹ پایا جا ئیں گا۔ جن مانہ اننت ناگ، شوپیان
کلگام، رام بن، کشتواڑ تے ڈوڈہ ضلع غا اسمبلی حلقہ
شامل ہیں۔ پہلا مرحلہ غی خاطر کاغذات نامزدگی پھرن
غی اخیری تا ریخ 27 اگست مقرر کی گئی ہے تے اس

ضمن مانہ کاغذات غی پڑتال اگلے تہاڑے منعقد وے گی
 ۔ جد کہ کاغذات واپس لین واسطے اخیری تا ریخ 30
 اگست 2024 رکھی گئی ہے پہلا مرحلہ غا چناؤ 18
 ستمبر نانہ وین گا۔ استیں پہلاں اسمبلی حلقاں غی حد
 بندی کر غے ان غی گنتری 90 کر دتی گئی۔ تے اس
 طرح 3 مرحلاں مانہ ووٹ پایا جا ئیں گا جن مانہ
 24،26 تے 40 حلقہ شامل ہیں۔ اور چناؤ 18،25 ستمبر
 تے یکم اکتوبر نانہ منعقد وین گا۔ ووٹاں غی گنتری 4
 اکتوبر نانہ وے گی۔ تے اُسے تہاڑے نتیجہ با ندے آنا
 وی متوقع ہیں۔ قابل ذکر ہے جے سپریم کورٹ نے
 پچھلے سال دسمبر مہینہ مانہ دفعہ 370 با رے فیصلو
 سُناتاں واں ہدایت جا ری کی تھیں کہ جموں کشمیر مانہ
 30 ستمبر 2024 تک اسمبلی چناؤ کرایا جائیں۔ اسے
 دوران جموں کشمیر مانہ آتا اسمبلی چناؤ واسطے
 حتمی ووٹر فہرست پلک جا ری ہون غو امکان ہے۔
 جس مانہ ووٹراں غی تعداد 90 لکھ غے نیڑے ہون غی
 اُمید ہے۔ اس تیں پہلاں اسمبلی حلقاں غی حد بندی کرتاں
 واں ان غی گنتری 83 تیں بدھا غے 90 کی گئی۔ ان
 90 اسمبلی حلقاں مانہ 74 اسمبلی حلقہ عام زُمرہ
 جد کہ 7 حلقہ شیڈیولڈ کاسٹ اور 9 حلقہ شیڈیولڈ ٹرائب
 اُمید واراں واسطے مخصوص کیا گیا ہیں۔ قابل ذکر ہے
 جے جموں کشمیر غا 87 عشاریہ 09 لکھ ووٹراں مانہ
 44 عشاریہ 46 لکھ مرد، 42 عشاریہ 62 لکھ کالسرین
 ووٹر شامل ہیں۔ جد کہ 3 عشاریہ 71 لکھ ووٹر پہلی بار

اپنا حق رائے دیہی غو استعمال کر رہیا ہیں۔ اور 20
عشاریہ 7 لکھ نوجوان ووٹر ہیں۔

BJP Candidates

جموں کشمیر مانہ آتا اسمبلی چناواں غے مد نظر
مرکزی وزیر تے تلنگانہ بی جے پی غا صدر جی کشن
ریڈی نے اج کہیو جے پا رٹی غا قومی صدر تے
مرکزی وزیر جے پی نڈا غی قیادت مانہ امید واراں
گا نایاں نانہ جلدی ہی حتمی شکل دتی جائے گی۔ پا
رٹی دفتر مانہ بی جے پی چناؤ کمیٹی میٹنگ با رے
جناب ریڈی نے کہیو جے امید واراں گوحتمی فیصلو
قومی چناؤ کمیٹی گو فیصلو وے گو۔ تے ریاستی چناؤ
کمیٹی نایاں غی سفارش کرے گی۔ انہاں نے مزید کہیو
جے جس طرح جے کاغذات نامزدگی پھرن غی اخیری
تاریخ 27 اگست ہے تاں اسے ہفتے نایاں گو اعلان کر
دتو جائے گو۔ انہاں نے کہیو جے پا رٹی غو اہم مقصد
جموں کشمیر نانہ دہشت گردی تے رشتہ داراں غی
طرفداری اور بد عنوانی تیں محفوظ کرنو ہے۔ موصوف
نے کہیو جے ترقی مخالف طاقت دوبا رہ اقتدار مانہ
نہیں آنی چاہیے۔ تے جموں کشمیر مانہ دفعہ 370 غی
منسوخی تیں بعد بھائی چارو تے امن ہے۔ انہاں نے دسیو
جے جموں کشمیر مانہ چناؤ 3 مرحلاں مانہ یعنی 18
ستمبر، 25 ستمبر تے یکم اکتوبر نانہ کرایا جا رہیا ہیں
اور ووٹاں غی گنتری 4 اکتوبر نانہ وے گی۔

Security NHW

گذشتہ تہاڑاں مانہہ ضلع ڈوڈہ، رام بن تے اُدھم پور غی اُچیری تہایاں ور دہشت گرداں سنگ ہوا تصادم نانہہ دیکھتاں واں بٹوت ڈوڈہ کشتواڑ قومی شاہراہ 244 ور حفاظتی انتظامات نانہہ مزید بدھایو گیو ہے۔ آکا شوانی جموں غا مہارا نمائندہ نے خبر دتی ہے جے علاقہ مانہہ مصنوعی ذہانت غی بنا ور ڈرون، سی سی ٹی وی کیمرہ نصب کر غے سماج دشمن عناصر ور نظر رکھن واسطے یوہ قدم چایو گیو ہے۔ قابل ذکر ہے جے پتی ٹاپ غا اُنچا علاقہ مانہہ دہشت گرداں سنگ ہوا تصادم نانہہ دیکھتاں واں اُدھم پور تے ریا سی مانہہ وی حفاظتی انتظامات نانہہ بدھایو گیو ہے تے اس توں علاوہ پتی ٹاپ غی پہاڑی ریزارٹ تے سناسر مانہہ وی حفاظتی انتظام بدھایا گیا ہیں۔ حفاظتی صورتحال غا سلسلہ مانہہ بٹوت ڈوڈہ کشتواڑ غی قومی شاہراہ ور حفاظتی دستاں نے جگہ جگہ ناکہ بندی کر غے تلاشی کا روائی وی جاری کی وی ہیں۔ حفاظت غا سخت بندوبست اُدھم پور، چینی، پتی ٹاپ، سنا سر، اثر، بٹوت، ڈوڈہ، کشتواڑ، رام بن، بانہال، رنسو مانہہ وی کیا گیا ہیں۔ اس سلسلہ مانہہ رات ویلے گشت کرن آلا عملہ توں علاوہ گراں غا حفاظتی راکھا وی ضلع ڈوڈہ، کشتواڑ، رام بن، ریا سی تے اُدھم پور مانہہ گشت کر رہیا ہیں تے اس سلسلہ مانہہ حفاظتی دستاں اعلیٰ چوکسی ور ہیں تے

فوج تے پولیس غا بڑا افسر ان نے بٹوت تے پتتی ٹاپ
مانہ اپنا ڈیرہ لا یا واہ ہیں تا نجے وے حفاظتی
صورتحال ور نظر رکھ سکیں۔

ADC Bharderwah

بھدرواہ غا اڈیشنل ڈپٹی کمشنر سُنیل کمار نے اک میٹنگ
مانہ تمام سیا سی جما عتاں غا لیڈراں نانہ کہیو ہے جے
وے ات اسمبلی چناؤ غے پیش نظر مثالی ضابطہ اخلاق
بارے دھیان رکھیں۔ اے ڈی سی موصوف نے تمام اہل
ووٹراں نانہ کہیو جے وے اپنا ووٹ غو استعمال کر
غے جمہوریت نانہ مزید مضبوط کریں۔ یاد رہے جے ضلع
ڈوڈہ مانہ 18 ستمبر نانہ پہلا مرحلہ مانہ ووٹ کھلیا
جائیں گا۔ اس تقریب غے دوران بولتاں اے ڈی سی
موصوف سُنیل کمار نے اس طرح کہیو۔۔۔ بائٹ۔۔

Weather

محکمہ موسمیات سرینگر مرکز غے مطابق 19 تے
20 اگست نانہ دیر رات تے سویرے کئیں جگہیں گرج
چمک غو امکان ہے۔ اسے طرح جموں کشمیر مانہ
21 تے 22 اگست نانہ تہاڑی ویلے ہلکی بارش جد کہ
دیر رات اور سویرے بارش ہو سکے۔ اس سلسلہ مانہ

23 تیں 31 اگست تک کشمیر ڈویژن واسطے کُجھ خاص
نہیں ہے۔ چند جگہیں ہلکی بارش ہون غی پیشنگوئی
کی گئی ہے۔ 19 تے 20 اگست نانہ جموں ڈویژن مانہ
پہاری بارش ہو سکے۔

اس غے نال ہی خبراں غو یوہ بلیٹن ختم ہوؤ۔